

广东通志

广东通志

廣東通志卷二百八十五

甲子重刊

列傳十八 廣州十八

陳象明

黎遂球

弟遂琪 師雄

姊子劉 僕盧從贊

梁義

陳廣金

關鍾喜

梁若衡

陳際泰

鍾鼎臣

張家玉

鄺曰廣

子逢明 逢泰 僕鄺茂興

彭燿

陳嘉謨

梁朝鐘

蘇觀生

羅之玉

陳邦彥

梁萬爵

楊景煜

高爲瓊

張亞黑象賢

白嘗燦

楊可觀

霍師連

霍達芳

馬應芳

朱學熙

馬觀鵬

林洵

子楊泗英

杞

梧

弟

李如月

張家珍

施焜然

燿然燦然

祚基

炯然

煜然成基

煒然

王興

羽鳳麒

鄺露

子鴻

屈士燦

屈士煌

明以上

明

陳象明字麗南東莞人父葆一家貧力學爲諸生有隱德象明生而岐嶷年十四食餼天啟丁卯舉

於鄉

東莞周志

崇正戊辰成進士授戶部主事權稅淮

安

明史張家玉傳

免厘市魚湖諸例稅及商賈例耗會水

漲淹沒者衆懸賞格能救一人者予三十金多賴

存活嘗遣家人返里過十八灘遇盜盜曰非廉吏

物耶聞居官積勞藥餌且缺何忍刼之相戒遁去

陞湖廣司員外郎轉陝西郎中復出爲南昌知府

時中涓用事勒餽金不應抑不得赴踰年改補長

沙訟獄多所平反正已律下有屬官一縑爲壽怒

撻其僕民間供億秋毫無所受時有佛祖太爺之

目御史巡方失郊迎竟以此中傷謫浙江鹽運副

百姓罷市三日立祠以祀後二年任饒州遷湖廣

副使備兵湖南未至任聞變卽具衣冠拜畢欲投
鄱陽湖中時各州士民曰公一人死吾輩數百萬
不能獨生再四勸慰乃止因便道趨家與父訣父
麾之出曰行矣勉之毋以老人爲念東莞周志唐王時
總督何騰蛟令徵餉廣西會永明王立廣東地盡
失象明調土兵與陳邦傳連營東至梧州榕樹潭
遇

大兵戰敗死之

明史

二妾在南寧聞象明殉節曰臣死

君婦死夫義也尋自盡餘一僕護屍歸至殮時已

八日面色如生父哭而復喜曰是真吾兒矣

東莞周志

卹贈太僕寺正卿

金志

著有兵畧一百三十卷塵外

賞諸書

東莞周志

國朝賜諡烈愍予祀忠義祠

勝朝殉節諸臣錄

子應光廩生

文行有名孫阿平食邑餽文章節氣見稱於時誥

錫邑庠尙文雍正癸卯舉人

東莞周志

黎遂球字美周番禺人曾祖瞻父密有傳母蘇方

妊父密夢孔雀集於庭大司馬陳子貞過之是夕

生遂球五六歲能讀書九歲能文工詩及古文辭

下筆輒奇警縱橫丙寅張國維令番禺試童子科

拔之冠軍明年天啓丁卯舉於鄉數上公車道經

吳越與徐汧吳偉業張溥張采金聲陳際泰輩唱

和樹幟中原呼絕代才子庚辰抵邗關集鄭超宗

影園賦黃牡丹詩十首列第一鐫金疊爲賚時稱牡丹狀頭生平好遊自燕趙吳楚魯蜀以及滇黔足跡無不至甲申三月國變痛哭誓死力啓直指及藩臬諸書大都以鞏固省會爲急務先是崇正中詔行保舉法宗伯陳子壯方在官稱球博學幹敏可當方域之寄南都再造球乃出復與當事建議呼鄉徼勸輸公貯饟糗以付友人張家玉代上中興碩畫十事纍纍萬言大要以援虔爲第一義又與巡按王化澄部院丁魁楚副使湯來賀往來謀議圖戰方畧吏部特薦學問經濟人才詔授兵部職方司主事

一作員外郎

頒賜敕印提督兩廣水陸

義師應援虔州

查繼佐撰傳

同驗封司主事龔棻募水

師四千皆屯南安

明史萬元吉傳

督總兵黃志忠游擊羅

明受等軍數萬尅日度嶺大治戰艦千餘艘赴虔約連各部爲水陸夾攻之勢大戰三日先被泅水劫奮擊却退會水淺膠舟

大兵縱火焚之明受大潰走還廣州乃入贛城與督師閣部楊廷麟督師部院萬元吉監軍御史姚奇允統總兵黃志忠嚴遵誥吳芝範張崧張安等援兵數萬捍禦鼓勵堅壁固守日夕與弟叅將遂琪登陴對壘姊子劉師雄俱從軍授官遊擊歷叅將身冒矢石督發鐵銃火器目不及睫凡數閱月南

門陷城中大亂遂球下城督健卒數百人巷戰脇
中三矢墜馬遂死之年四十五弟遂琪與僕盧從
贊梁義陳廣金等三十餘人同日戰死詔卹虔城
殉難諸臣贈球太僕寺卿賜祭葬贈祖父如其官
廕一子入監讀書行江西制臣合楊廷麟萬元吉
姚奇允龔棻建五忠祠于贛州歲時奉祀勛卿嚴
焯特請加卹賜諡忠愍比例加贈兵部尙書廕一
子錦衣衛指揮僉事球性忼易通爽足揚舉頗不
屑文繻或以爲傲物所著有蓮鬚閣集周易爻物
當名易史詩風史刺凡百餘卷行世二子延祖彭
祖皆明經好學篤行之士

查繼佐
撰傳

國朝賜諡忠愍

勝朝殉節諸臣錄

關鍾喜字岳孫號嵩臺南海人天啟丁卯舉人性
豪邁不拘繩尺天姿穎悟師禮陳邦彥邦彥復清
遠使權知縣事城陷戰歿

巖野集

梁若衡字簡臣順德人亭表子也性好潔事親孝
由番禺籍舉崇正庚午鄉試庚辰特賜進士授廣
西永福令福巖邑也獐獠居半時靖江王蓄異志
陰與巖崗羣盜相結每有擒獲強衡開釋衡悉置
之法又奸徒指良民田獻王王遣使執券索印衡
不可王脅之卒不爲動未幾流賊陷湖廣桂林大
震衡泣與母決誓以必死俄陞左州守會外艱訃

至奔喪歸鼎革後故閣部陳子壯舉兵

順德志

若衡

應之事洩

金志

遂見殺

順德志

國朝賜諡節愍

勝朝殉節諸臣錄

陳際泰番禺人崇正庚午舉於鄉十三年庚辰特

用進士

題名碑列入十五年壬午科時帝欲不次用人特旨考選舉人廷試貢生俱准以主

事同知知縣特用同邑選四人

授平樂知縣擢臨江知府歷湖廣

布政司叅議兼僉事會蘇觀生等擁立唐王抗永

明以際泰知兵授為監軍道督師與永明總督林

佳鼎戰於三水兵敗復招海盜數萬遣大將林察

將戰於河口斬佳鼎

大兵入廣州死於家

番禺志

鍾鼎臣字彝公新會人

浙江通志
誤作東莞

年十三補諸生

王宏誨甚器之禮爲館甥鼎臣謝不往崇正癸酉
由南海學領鄉薦甲戌成進士授寧國府推官尋
改河南散官轉部郎擢真定知府改知嘉興

大兵至與紳士徐石麒沈輝辰等誓師死守授甲登
陣以御史陸清源等爲聲援月旣望兵艦環集戰
南關清源師潰孤城不支自經死時年六十有二

新會
舊志

國朝賜諡節愍

勝國殉節
諸臣錄

張家玉字元子號芷園東莞人崇正丙子鄉薦十
六年進士改庶吉士李自成陷京師被執上書自

成請旌已門爲翰林院庶吉士張先生之廬而褒恤范景文周鳳翔等隆禮劉宗周黃道周尊養史可程魏學濂自稱殷人從周願學孔子稱自成大順皇帝自成怒召之入長揖不跪縛午門外三日復脅之降恠以極刑卒不動自成曰當磔汝父母乃跪時其父母在嶺南家玉自屈人咸笑之賊敗南歸阮大鍼等攻家玉薦宗周道周於賊令收人望集羣黨家玉遂被逮明年南都失守脫歸從唐王入福建擢翰林侍講監鄭彩軍出杉關謀復江西解撫州之圍順治三年風聞

大兵至彩卽奔入關家玉走新城

大兵來攻出戰中矢墮馬折臂走入關令以右僉都御史巡撫廣信廣信已失請募兵惠潮說降山賊數萬將赴贛州會

大兵克汀州乃歸東莞四年家玉與舉人韓如璜結鄉兵攻東莞城知縣鄭霖降乃籍前尚書李覺斯等貲以犒士甫三日

大兵至家玉敗走奉表永明王進兵部尚書無何

大兵來擊如璜戰死家玉走西鄉祖母陳母黎妹石寶俱赴水死妻彭被執不屈死之鄉人殲焉西鄉

大豪陳文豹奉家玉取新安襲東莞戰赤岡未幾大兵大至攻數日家玉敗走鐵岡文豹等皆死覺斯

怨家王甚發其先壟毀及家廟盡滅家王族村市
爲墟家王過故里號哭而去道得衆數千取龍門
博羅連平長寧遂攻惠州克歸善還屯博羅

大兵來攻家王走龍門復募兵萬餘人家王好擊劍
任俠多與草澤豪士游故所至歸附乃分其衆爲
龍虎犀象四營攻據增城十月

大兵步騎萬餘來擊家王三分其兵犄角相救倚深
谿高崖白固大戰十日力竭而敗被圍數重諸將
請潰圍出家王嘆曰矢盡礮裂欲戰無具烏用徘徊
不決哉因徧拜諸將自投野塘中死年三十三
明年永明王贈家王少保武英殿大學士吏部尚

書增城侯諡文烈其父兆龍猶在以子爵封之

明史

本傳著有名山集軍中草大易纂義詞林館課燕山

吟西征集歷代帝王說名臣論贊百將妙畧等書

東莞周志

鄺曰廣字居節番禺人

南海志作祖籍南海扶南堡人

未冠應童

子科冠軍崇正丙子鄉薦十年丁丑進士湖廣襄

陽府推官

番禺志

居官有守十四年二月獻忠令人

假督府軍符誑入襄陽城張克儉不能辨夜分賊

從中起焚襄王府曰廣奉檄覈軍儲於荊州甫還

任

明史張克儉傳

流賊攻城廣身先登陴爲流矢所中而

死

大清一統志

妻譚氏妾李氏子逢明逢泰女二俱